



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za financije i proračun

Broj: 01/4-011-1075/03

Sarajevo, 7.8.2003. godine.

Z A P I S N I K

**sa 8. sjednice Komisije za financije i proračun Zastupničkog doma
Parlamentarne skupštine Bosne i Hercegovine,
održane 7.8. 2003. godine**

Sjednica je počela u 09,00 sati.

Sjednicom je predsjedavao dr. Nikola Špirić, predsjedatelj Komisije.

Sjednici su, osim predsjedatelja prisustvovali:

- Fatima Leho, drugi zamjenik predsjedatelja komisije,
- Ljiljana Mliličević, član,
- Hazim Felić, član,
- Mirko Blagojević, član i
- Beriz Belkić, član Komisije.

Odsutni su bili: Zlatko Lagumdžija, Filip Andrić i Abdulah Nakaš.

Sjednici nisu prisustvovali uredno pozvani predstavnici Vijeća ministara BiH, predlagači Zakona o sudskim taksama u postupku pred Sudom Bosne i Hercegovine,

Za sjednicu je predložen i jednoglasno usvojen slijedeći

D n e v n i r e d:

- 1. Usvajanje zapisnika sa sedme sjednice Komisije,**
- 2. Rasprava o Prijedlogu zakona o proceduri za nabavke robe, usluga i ustupanje radova za potrebe institucija Bosne i Hercegovine,**
- 3. Rasprava o Prijedlogu zakona o sudskim taksama u postupku pred Sudom Bosne i Hercegovine,**
- 4. Tekuća pitanja.**

Predsjedatelj Komisije, dr. Nikola Špirić je otvorio sjednicu i predložio dnevni red. Dnevni red za 8 sjednicu je jednoglasno usvojen.

Ad-1 Usvajanje zapisnika sa 7. sjednice Komisije.

Nakon toga, predsjedatelj Komisije je predložio raspravu o zapisniku sa 7. sjednice Komisije. U raspravi o zapisniku sa 7 sjednice učestvovao je g. Hazim Felić, član komisije koji je istakao da nije dobio tekst zapisnika. Kako je bilo teško utvrditi da li

je pisarnica Parlamentarne Skupštine BiH dostavila test zapisnika ili ne, predsjedatelj je predložio, a Komisija usvojila, da se o zapisniku raspravlja i isti se usvoji na narednoj sjednici.

Ad-2 Rasprava o Prijedlogu zakona o proceduri za nabavke robe, usluga i ustupanje radova za potrebe institucija Bosne i Hercegovine,

Predsjedatelj Komisije je u uvodu za ovu točku dnevnog reda, ukazao na okolnost da je nacrt Zakona o proceduri za nabavku roba, usluga i ustupanju radova za potrebe institucija Bosne i Hercegovine (u daljem tekstu: Zakon) izrađen u travnju 2003. godine. Po zaključku s 6. sjednice, dana 19.05.2003. godine je upućen dopis Ministarstvu financija/finansija i trezora BiH koje nam je odgovorilo 27.05.2003. godine. Predložio je diskusiju o tekstu zakona.

O tekstu zakona nije bilo rasprave, pa je predsjedatelj predložio usvajanje teksta zakona.

Prijedlog zakona o proceduri za nabavke robe, usluga i ustupanje radova za potrebe institucija Bosne i Hercegovine usvojen je bez primjedbi i jednoglasno. Predloženo je Zastupničkom domu Parlamentarne skupštine Bosne i Hercegovine da prihvati tekst Prijedloga zakona.

Ad-3. Rasprava o Prijedlogu zakona o sudskim taksama u postupku pred Sudom Bosne i Hercegovine

Predsjedatelj Komisije je u uvodu za ovu točku dnevnog reda, podsjetio da je nacrt Zakona o sudskim taksama u postupku pred Sudom Bosne i Hercegovine (u daljem tekstu: Zakon) Vijeće ministara dostavilo Zastupničkom domu PS BiH dana 26.6.2003. godine. Ustavno-pravna komisija Zastupničkog doma PS BiH je 7.7.2003. godine dala pozitivno mišljenje o zakonu. Predložio je diskusiju o tekstu zakona.

O tekstu zakona nije bilo rasprave, pa je predsjedatelj predložio usvajanje teksta zakona u komisijskoj fazi njegovog donošenja.

Prijedlog zakona o sudskim taksama u postupku pred Sudom Bosne i Hercegovine usvojen je bez primjedbi i jednoglasno. Predloženo je Zastupničkom domu Parlamentarne skupštine Bosne i Hercegovine da prihvati tekst Prijedloga zakona.

Ad-4. Tekuća pitanja

Raspravljajući po ovoj točki dnevnog reda, Beriz Belkić, član Komsije je predložio da se u dnevni red naredne sjednice Komisije uvrste tačke koje će razmatrati slijedeće inicijative:

- inicijativa za organizaciju okruglog stola na temu: Pravci ekonomskog razvoja Bosne i Hercegovine”,
- inicijativa za uspostavu Agencije za bankarstvo Bosne i Hercegovine

- inicijativa za razmatranje Izvješća o izvršenju proračuna za period siječanj-lipanj 2003. godine.

Sve tri inicijative predlažu razmatranje i zauzimanje stavova o materiji koja je iz nadležnosti ove Komsije. Posebno je važna inicijativa za razmatranje Izvješća o izvršenju proračuna za period siječanj-lipanj 2003. godine jer je iskazano probijanje predviđenog iznosa potrošnje za preko 600 000 KM, pa je nužno potrebno vidjeti razloge ovog probijanja.

O inicijativama je diskutovala i Fatima Leho, član Komsije koja ih je podržala, posebno istakavši treću inicijativu, te predložila da se od nadležne službe zatraže dodatni podaci i obavještenja o proračunskoj potrošnji u prvoj polovini 2003. godine. Iz dodatnih dokumenata treba biti vidljivo koliko je potrošeno sredstava za stari, a koliko za novi saziv PS BiH, a treba pozvati tajnika Zajedničkih službi za pojašnjenje pojedinih stavki potrošnje.

Članovi Komisije su prihvatili inicijative g. Beriza Belkića i zaključili da ih treba staviti na dnevni red naredne sjednice Komisije. Za Inicijativu o razmatranju Izvješća o izvršenju proračuna za period siječanj-lipanj 2003. godine potrebno je pozvati tajnika Zjedničke službe PS BiH., a nadležno tijelo Zajedničke službe će za sjednicu Komisije izraditi detaljnu analizu stavki proračuna. U analizi stavki i njihovom komentaru, razdvojiće se one stavke koje su u potrošnji probijene od drugih.

Sjednica je okončana u 09,20 sati.

Tajnik Komisije:

dr. Zijad Hasić

Predsjedatelj Komisije:

dr. Nikola Špirić v.r.